



UNIVERSITÄTS-  
BIBLIOTHEK  
PADERBORN

**Pia Hilaria R. P. Angelini Gazæi E Societate Iesv Atrebatis**

**Gazet, Angelin**

**Antverpiae, 1629**

B. VVerricus Alne[n]sis Monasterij Prior, mirè in paueres benignus, ab anu mendicâ sæpe fallitur.

---

[urn:nbn:de:hbz:466:1-70444](https://nbn-resolving.org/urn:nbn:de:hbz:466:1-70444)

Afinum redonat, qui suam repetens domum,  
 Oblita nondum munera resumit volens.  
 Nusquam Arabe viso far abijt in horreum,  
 In haram cameli. Dixit arridens senex:  
 „ Nisi periisset, perierat asinus meus,  
 „ Qui captus, huius anfa capturæ fuit.

*B. Verricus Alnensis Monasterij Prior,  
 mirè in pauperes benignus, ab annu mendi-  
 eâ sæpè fallitur.*

*Ex Hist. Cistertien. Abbatis d' Assignies.*

**A**lna ad Thuinum in Belgicâ, Cistertij  
 Felix propago, nobile asceterium est.  
 Werricus Alnæ Magnus, vt vocant, Prior,  
 Magnus Elcëmon nuncupari dignior,  
 Suas lacernas, calceos & pileos,  
 Et dum patebant horreum, cella, aut penu,  
 Carnes, farinam, pisa clàm furto pio  
 Inopibus erogabat effusissimus.  
 Tacitus videbat, & probabat conscius,  
 Oculoque conniuebat Antistes bono.  
 Si, dum negotij gratiâ expedit viam  
 Vectus equo, egenos fors haberet obuios,  
 Equus equitantis indolem doctus probam,  
 Gradu represso sponte sistebat, moram  
 Daret vt Magistro, quâ crumenam panderet:  
 Abibat alacer ventilatis auribus,  
 Vbi liberalem viderat stipem dari.  
 Dum fortè in ipsis foribus affatu pio  
 Werricus & matrona mentem mutuan,

K 6

Hæc



Hæc audiendo, & ille fando, pascere,  
 En vetula lacera, macra (vix adipis habens  
 Quantum in iuglandis nucleo confisteret,  
 Sed fraudis & malignitatis affatim,  
 Quantum in apothecâ vulpis annoſiſſimæ)  
 Tremulam Priori tendit ad ſtipem manum.

Is tunc in arcto commodum maſupio  
 Senos gerebat nummulos, in pauperum  
 Primas ituros dexteris, vt ſors daret.

Primum itaque crebræ prodromum ſtipis foras  
 Promit diobolum, & poſtulantem porrigit;  
 Pia proſecutus inde matronæ aſſidet.

Agiliter habitis, vt valebat, gratijs  
 Abit anus, atque in angiportum proximum  
 Diuerſa, ſemicinctio obnubit caput  
 Veli inſtar, & reſſeſſa ruſſum flagitat.

Haud mora, ſecundus è crumenâ nummulus  
 Manu Prioris exilit. Sed anicula  
 Vix quinque talum môrat illinc paſſibus;  
 Velo remoto, poſt perexiguam moram  
 Repedat eodẽ, ſeſquicubito ſe minor;  
 Nam curua totum pectus, in tergo vehit  
 Citò procreatum gibberum: quem conſpicans  
 Werricus, haud moratus, hanc & tertio  
 Donat diobolo, fraude captus tertîa.

Adire ſimulans alteras anus fores,  
 Mox gibbera eſſe deſijt, Vulcanio  
 De grege videri derepentè maluit,  
 Namque hinc & inde clauda formoſiſſimè,  
 (Quod vtrimque claudi claudicando clamitant,  
 Et hoc & illud mundi clima ſunt mea)  
 Id ipſa iam reuerſa dixit ianuæ,

Et



Et hic & iste postis est etiam meus.

Bona verba dum propinat intereâ Prior  
Pia mulieri, nec malignæ os agnitum,  
Neque fraus aperta est. Ergo quartum nummulum  
Abire mandat in petacem dexteram.

Peracta nondum est tota visceratio;  
Duo botelli sunt super; vt hos deuoret,  
In vetere cerebro cuditur dolus nouus.

Eadem nec eadem ad ianuam quintum redit,  
Obstipum in humero ritè resupinat caput,  
Nasumque torquens, arte se strabam facit.

Dum manè pedibus calceos circumdamus,  
Subinde læuo dexterum ingerimus pedem,  
Dextroque læuum calceo; sic callida  
Solerter oculos calceauit, dextero vt

Sinistra cerneret, & sinistro dextera.  
Strabo ipse quondam haud verior fuit strabo.

Werricus, esto lynx foret, cognoscere  
Haud potuit istam consobrinam Protei:  
Hinc & volūcris quinta de nido suo,  
Diobolus, inquam, pænè-restans-ultimus,  
Vetulæ celerius euolauit in sinum.

Inde illa vicum vix propinquum iniuerat,  
Quando supremam comminiscitur stropham,  
Rediensque sese luminibus orbam exhibet,  
Et albicantes palpebras fursum rotans,  
Gemitum canorum iacet, vt cæci assolent,  
Vestibulo in ipso: non diu cæcam tulit

Werricus occlamare: mox marsupium  
Spoliat supremo spiritu. Non est, ait,  
Quod dem aliud; alias inopiâ pares tibi  
Iam iamque paruo subleuauit, vt fas fuit.

K 7

Ex-



Exenteratam hæc sentiens crumenulam,  
 Sextumque victrix fraude, repetijt suos.  
 Si mille formis se induisset hæc anus,  
 Et mille nummos repperisset se penes  
 Werricus, effudisset in aduncas manus.  
 „ Oculata non est sancta liberalitas:  
 „ Falli præoptat centies, quàm vnum vnicum  
 „ Fallere negando, cui negatum haud debuit.  
 „ Ne fortè Dominus sit meus, qui opem petat,  
 „ Seu petere simulet, fallar & fallar volens,  
 „ Aiebat ille, quem caractere aureo  
 „ Aere in perenni sempiternæ memoriæ  
 „ Sculptit Vetustas iure summum Eleëmona.

*S. Antoninus Archiepiscopus Florentinus  
 duobus cæcis inopiam simulantibus pecu-  
 niam pileis insutam aufert, & viro pio  
 verè egenti confert.*

*Ex eius Vitâ.*

**B**ellæ gerebat infulas Florentiæ,  
 Qui dictus Antoninus ex Antonio est:  
 Pusillus etenim membra vix homulus fuit,  
 At sanctitate cellus & scientiâ.

Tum fortè ciues inter, vt frequens solet,  
 Vir erat honestæ quispiam propaginis,  
 Sed inops, sed arcta cui supellex in lare,  
 Et arctior crumena, quodque infaustus,  
 Feminea soboles multa, & illa nubilis.

Extrema tandem veritus, at veritus magis  
 Scelus